



আরামদায়ক হজ
নিশ্চিত সৌদিতে
নানা ব্যবস্থা
সারে-জমিন



চাঁদা গ্রামে কালভার্ট নয়,
যেন মরণফাঁদ
রূপসী বাংলা



প্রান্তিক ছাত্রছাত্রীদের শিক্ষা:
বর্তমান ও ভবিষ্যৎ
সম্পাদকীয়



যেসব অভ্যাস মানুষের
রক্তচাপের বুকি বাড়ায়
স্বাস্থ্যসাথী



টি-টোয়েন্টি বিশ্বকাপ:
ভারত-পাকিস্তান ম্যাচে
নিরাপত্তা জোরদার
খেলেতে খেলতে

আপনজন

APONZONE
Bengali Daily

ইনসার্ফের পক্ষে নির্ভীক কণ্ঠস্বর

শুক্রবার
৩১ মে, ২০২৪
১৭ জ্যৈষ্ঠ ১৪৩১
২২ মিলকদ, ১৪৪৫ হিজরি
সম্পাদক
জাইদুল হক

Vol.: 19 ■ Issue: 147 ■ Daily APONZONE ■ 31 May 2024 ■ Friday ■ Kolkata ■ RNI: WBBEN/2004/14450 ■ Price: Rs. 5.00 ■ Pages: 6 ■ www.aponzonepatrika.com/epaper.php

প্রথম নজর

গুজরাতে
দমকলের
এনওসি পেতে
৭০ হাজার
টাকা ঘুষ দেন
বিজেপি সাংসদ



আপনজন ডেস্ক: প্রবীণ বিজেপি নেতা এবং গুজরাটের রাজ্যসভার সদস্য রাম মোকারিয়া দাবি করেছে, তিনি রাজকোট পৌর কর্পোরেশনের দমকল বিভাগ থেকে নো অবজেকশন সার্টিফিকেট পাওয়ার জন্য ৭০,০০০ টাকা ঘুষ দিয়েছিলেন। রাজকোটের টিআরপি গেম জোন নামে একটি বিনোদন কেন্দ্রে ভয়াবহ অগ্নিকাণ্ডে ২৭ জন দমক হওয়ার কয়েকদিন পর তিনি এই বিবৃতি দিলেন। বৃহস্পতিবার সংবাদমাধ্যমের সঙ্গে কথা বলার সময় মোকারিয়া রাজকোটে ব্যাপক দুর্নীতির কথা তুলে ধরতে তাঁর ব্যক্তিগত অভিজ্ঞতা শেয়ার করেন। বিজেপি নেতা আরও স্পষ্ট করে দিয়েছেন যে তিনি প্রায় পাঁচ বছর আগে ডেপুটি ফায়ার অফিসার বি জে খেবাকে ঘুষ দিয়েছিলেন যখন তিনি সবেমাত্র ব্যবসায়ী ছিলেন এবং রাজ্যসভায় নির্বাচিত হননি। মোকারিয়া একটি নামী কুরিয়ার কোম্পানির প্রতিষ্ঠাতা-চেয়ারম্যান ও ২০২১ সালে গুজরাৎ থেকে রাজ্যসভায় এমপি হন। তিনি বলেন, 'প্রায় পাঁচ বছর আগে একটি প্রকল্পের জন্য ফায়ার এনওসি পেতে আমি খেবাকে ৭০ হাজার টাকা ঘুষ দিয়েছিলাম।

ভোট গণনায় কারচুপি না হলে বিজেপির হার নিশ্চিত: মমতা



আপনজন ডেস্ক: আগামী ১ জুন লোকসভা নির্বাচনের চূড়ান্ত পর্ব তথা সপ্তম দফার ভোটগ্রহণ হওয়ার কথা। অন্য রাজ্যের পাশাপাশি পশ্চিমবঙ্গের ৯টি লোকসভা আসনেও শেষ দফার ভোট হবে। সেই কেন্দ্রগুলি হল বারাসত, বসিরহাট, ডায়মন্ড হারবার, দমদম, জয়নগর, যাদবপুর, কলকাতা দক্ষিণ, কলকাতা উত্তর এবং মথুরাপুর। এদিকে, নির্বাচনী প্রচার শেষ হওয়ার আগে যাদবপুর থেকে গোপালনগর পর্যন্ত ১২ কিমি পথ হাটলেন মমতা বন্দ্যোপাধ্যায়। যাদবপুর লোকসভা কেন্দ্রের প্রার্থী সায়নী ঘোষেরও কলকাতা দক্ষিণের প্রার্থী মালা রায়ের সমর্থনে এদিন দক্ষিণ কলকাতাজুড়ে পদযাত্রা করেন তৃণমূল স্ত্রীমো। পদযাত্রা শুরু করে মুখ্যমন্ত্রী বলেন, দায়িত্ব নিয়ে বলছি, যদি সব কিছু ঠিকঠাক থাকে, যদি গণনা

কেন্দ্রে কারচুপি না হয়, তবে বিজেপির ক্ষমতায় আসার কোনও সম্ভাবনাই নেই। ক্ষমতায় আসবে ইন্ডিয়া জোট। যাদবপুরে একটি জনসভায় জনতার উদ্দেশ্যে মমতা বন্দ্যোপাধ্যায় বলেন, দেশে মূল্যস্ফীতি আকাশ ছোঁয়া। কেন্দ্রীয়

সরকার জনগণকে বিনামূল্যে রেশন দেওয়া নিয়ে মিথ্যা বলে এবং কোনও তহবিল দেয় না। কিন্তু তৃণমূল কংগ্রেস বিনামূল্যে রেশন, জল ও বিদ্যুৎ (অংশিক) দিয়ে থাকে। প্রধানমন্ত্রী মোদীকে আক্রমণ করে তিনি বলেন, মোদী

বিনামূল্যে গ্যাস দেওয়ার বিষয়ে মিথ্যা বলেছেন। এটি জনগণকে ১৫ লাখ টাকা দেওয়ার তার কাল্পনিক প্রতিশ্রুতির সমান। একই সঙ্গে মমতা বলেন, তিনি আর কোনো প্রধানমন্ত্রীকে এভাবে মিথ্যা বলতে দেখেননি। মমতা আরও বলেন,

প্রতিবারই নির্বাচনের ৪৮ ঘণ্টা আগে কোথাও না কোথাও প্রচারের আলেয় চলে আসেন মোদী। মমতার প্রশ্ন, প্রধানমন্ত্রী ধ্যানবসতে পারেন, কিন্তু ক্যামেরার উপস্থিতিতে কেন? তারা ৫ মিনিটের ফুটেজ দেখাবে, তবে বাকি সময় তাদের বিশ্রাম নিতে হবে। মমতা ভোট গণনার দিন সজ্জা পরিষ্কারি কথ্য জনগণের কাছে তুলে ধরেন। তিনি বলেন, শুরুতে গণনা দেখে কেউ যেন তার দ্বারা প্রভাবিত না হন। একটি লোকসভার মধ্যে রয়েছে কয়েকটি বিধানসভা কেন্দ্র। যেহেতু নির্বাচন কমিশন তাদের (বিজেপি) অধীনে রয়েছে, তাই তারা প্রাথমিকভাবে দেখাবে বিজেপির এগিয়ে থাকা আমসনগুলি। কিন্তু যোগুলিতে আমরা বেশি ভোট পাব, সেগুলো দেখাবে না।

পার্সোনাল ল-এ হিন্দু ও মুসলিমের মধ্যে বিয়ে অবৈধ: হাইকোর্ট



আপনজন ডেস্ক: মধ্যপ্রদেশ হাইকোর্ট সম্প্রতি একটি আন্তঃধর্মীয় দম্পনিক সুরক্ষা দিতে অস্বীকার করেছে। কারণ মুসলিম ব্যক্তিগত আইন অনুসারে একজন মুসলিম পুরুষ এবং একজন হিন্দু মহিলার মধ্যে বিবাহ অবৈধ। আবেদনকারীরা একে অপরের প্রেমে পড়েছেন বলে উল্লেখ করে বিশেষ বিবাহ আইনের অধীনে বিবাহ কর্মকর্তার কাছে যান, তবে পরিবারের আপত্তির কারণে তারা বিবাহ কর্মকর্তার সামনে হাজির হতে পারেননি। ফলে তাদের বিয়ে রেজিস্ট্রি হচ্ছে না। এই পরিস্থিতিতে, তারা বিশেষ বিবাহ আইনের অধীনে তাদের বিবাহ নিবন্ধনের জন্য নির্ধারিত তারিখে বিবাহ রেজিস্ট্রির সামনে হাজির হওয়ার জন্য সুরক্ষা চেয়েছিলেন। আদালত সুরক্ষা প্রত্যাখ্যান করে বলেছে, হিন্দু মহিলা এবং মুসলিম পুরুষের মধ্যে এই ধরনের বিবাহ মুসলিম ব্যক্তিগত আইন অনুসারে বিধিসম্মত নয়। বিচারপতি গুরপাল সিং আহলুওয়ালিয়া ২৭ মে দেওয়া আদেশ বলেছেন, মুসলিম পার্সোনাল ল অনুযায়ী, মুসলিম ছেলের সঙ্গে মূর্তিপূজক বা অগ্নিপূজক মেয়ের বিয়ে বৈধ বিবাহ নয়। এমনকি যদি বিবাহটি বিশেষ বিবাহ আইনে নিবন্ধিত হয় তাহলেও

বিবাহটি বৈধ বলে বিবেচিত হবে না এবং এটি নাজাজেজ বিবাহ হবে। হিন্দু মেয়ের সঙ্গে মুসলিম ছেলের বিয়ে বৈধ হবে কি না, এই প্রশ্ন বিবেচনা করে আদালত। এ প্রসঙ্গে সুপ্রিম কোর্টের একটি রায় নিয়ে আলোচিত হয়। বিচারপতি বলেন, 'ব্যক্তিগত আইনে বিবাহ অনুষ্ঠানের জন্য কিছু আচার-অনুষ্ঠান পালন করা আবশ্যিক। তবে, যদি বিশেষ বিবাহ আইনের অধীনে বিবাহ সম্পাদিত হয়, তবে এই জাতীয় বাধ্যতামূলক অনুষ্ঠান সম্পাদন না করার কারণে এই জাতীয় বিবাহকে চ্যালেঞ্জ করা যায় না। কিন্তু বিশেষ বিবাহ আইনের অধীনে বিবাহ সেই বিবাহকে বৈধতা দেবে না যা তাদের ব্যক্তিগত আইনে নিষিদ্ধ। বিশেষ বিবাহ আইনের ৪ নম্বর ধারায় বলা হয়েছে, যদি দুই পক্ষ নিষিদ্ধ সম্পর্কের মধ্যে না থাকে তবেই কেবল বিবাহ করা যাবে। আদালত উল্লেখ করেছে এই দম্পতি লিভ-ইন সম্পর্কে থাকতে রাজি ছিলেন না বা স্ত্রী স্বামীর কাছে ধর্মান্তরিত হতে ইচ্ছুক ছিলেন না। তিনি বলেন, আবেদনকারীদের ক্ষেত্রে বিবাহটি এমন নয় যে যদি বিয়ে না হয়, তবে তারা এখন লিভ-ইন সম্পর্কে থাকতে আগ্রহী। এটাও আবেদনকারীদের ক্ষেত্রে বলা হয়নি যে ১ নং আবেদনকারী মুসলিম ধর্ম গ্রহণ করবে।

ইন্ডিয়া জোট স্পষ্ট সংখ্যাগরিষ্ঠতা পাবে: খাড়গে

আপনজন ডেস্ক: কংগ্রেস সভাপতি মল্লিকার্জুন খাড়গে বৃহস্পতিবার 'ধর্মীয় ও বিভেদমূলক' ইস্যুতে জনগণকে বিভ্রান্ত করার করার জন্য বিজেপিকে নিশানা করলেন। খাড়গে দাবি করেন, প্রধানমন্ত্রী নরেন্দ্র মোদী তার ভাষণে ৪২১ বার 'মন্দির-মসজিদ-মুসলিম' সম্পর্কে কথা বলেছেন এবং ইন্ডিয়া জোট নিয়ে নানা ব্যঙ্গ করেছেন। খাড়গে আত্মবিশ্বাসের সঙ্গে বলেন, ইন্ডিয়া জোট নিজেরাই সংখ্যাগরিষ্ঠতা পাবে এবং মোদী সরকারকে ক্ষমতাচ্যুত করবে। তিনি বলেন, মানুষ ইন্ডিয়া জোটের দৃষ্টিভঙ্গিকে

"সমর্থন" করেছেন। তারা বুঝেছেন বিজেপিকে আরও একবার ক্ষমতায় আনা হলে গণতন্ত্রের সমাপ্তি ঘটবে। সপ্তম ও শেষ দফার নির্বাচনের প্রচারণা শেষ হওয়ার কয়েক ঘণ্টা আগে এক সংবাদ সম্মেলনে তিনি বলেন, তার দৃঢ় আত্মবিশ্বাস, জনগণ ৪ জুন একটি বিকল্প সরকার গঠনের রায় দেবে এবং ইন্ডিয়া জোট দেশকে একটি 'অন্তর্ভুক্তমূলক, জাতীয়তাবাদী, উন্নয়নমূলক সরকার' উপহার দেবে। মোদী ও বিজেপি নেতারা নজর ঘোরানোর আশ্রয় চেষ্টা করেছেন বলে অভিযোগ করে তিনি বলেন, ২০২৪ সালের



নির্বাচন দীর্ঘদিন স্মরণীয় হয়ে থাকবে কারণ ধর্ম, লিঙ্গ, বর্ণ ও ভাষার মানুষ গণতন্ত্র ও সংবিধান রক্ষার দায়িত্ব নিজেদের কাঁধে তুলে নিয়েছেন। তিনি বলেন, আপনি যদি বিজেপির প্রচার এবং গত ১৫ দিনে প্রধানমন্ত্রীর ভাষণের দিকে তাকান, তাহলে দেখবেন মোদী কংগ্রেসের

নাম নিয়েছেন ২৩২ বার, নিজের নাম নিয়েছেন ৭৫৮ বার এবং ৫৭৩ বার তিনি ইন্ডিয়া জোট এবং বিরোধী দলগুলির সম্পর্কে কথা বলেছেন। কিন্তু একবারের জন্যও তিনি বেকারত্বের কথা বলেননি। এর থেকে বোঝা যায় উনি মানুষের সমস্যা নিয়ে কতটা উদ্বিগ্ন। জাতপাত বা সাম্প্রদায়িকতার ভিত্তিতে প্রচার না করার বিষয়ে নির্বাচন কমিশনের নির্দেশের কথা উল্লেখ করে তিনি বলেন, "তিনি (মোদী) সমাজকে বিভক্ত করার জন্য 'মন্দির, মসজিদ, মুসলিম' এবং অন্যান্য ধর্মের বিষয়ে কথা বলেছেন। 'মুসলিম, পাকিস্তান, সংখ্যালঘু'দের কথাও ২২৪ বার

উল্লেখ করেছেন তিনি। দলিতন্ত্রের প্রধানমন্ত্রী হওয়া উচিত বলে ইন্ডিয়া জোটের কিছু শরিকের দাবি সম্পর্কে জিজ্ঞাসা করা হলে তিনি বলেন, দলিত হওয়ায় তিনি দলের কাছ থেকে কিছু দাবি করেননি। তিনি বলেন, প্রধানমন্ত্রীর বিষয়টি বিরোধী জোটের আলোচনা করে সিদ্ধান্ত নেওয়া হবে। এবারের নির্বাচনে মোদীর রেকর্ড ২০৬টি জনসভা করার বিষয়ে প্রশ্ন করা হলে খাড়গে বলেন, ২০১৪ এবং ২০১৯ সালে প্রধানমন্ত্রী এত প্রচার করেননি। তিনি এখন এত বেশি জনসভা করলেও হয়তো জানতে পারছেন বিজেপি আর সংখ্যাগরিষ্ঠতা পাবে না।



Since 2011



বাসী, তবে
দামি নয়

নিকটবর্তী ফার্নিচার দোকানে
আজই খোঁজ করুন



প্রিমিয়ার কোয়ালিটি
পাউডার কোর্টেড

স্টীল আলমারি | স্টীল শোকেস

ডিলারশিপের জন্য যোগাযোগ করুন

৯৭৩২৮৮০১১০

rimexsteelandironofficial@gmail.com

হজ উমরাহ জিয়ারত M. - 9874033075 / 9153164518

আলহাজ মুফতি আতিকুর রহমান সাহেব দ্বারা পরিচালিত

হাজানাহ্ন ট্রাভেলস্

১৫ থেকে ১৭ দিনের স্পেশাল উমরাহ প্যাকেজ

Standard Package

Offer Price
₹85,000/-

Regular Price
₹95,000/-

VIP Package

Offer Price
₹95,000/-

Regular Price
₹1,10,000/-

Golden Package

Offer Price
₹1,10,000/-

Regular Price
₹1,30,000/-

বিঃ দ্রঃ-
মিথ্যা অফারের
প্ররোচনায় না পড়ে,
সঠিক এবং উন্নত পরিষেবা
পেতে আমাদের সাথে
যোগাযোগ করুন।
ডিসকাউন্টের জন্য নয়।

➔ ফ্লাইট টিকিট যাওয়া ও আসা (কোলকাতা) ➔ ইস্যুরেপ সহ উমরাহ ভিসা।
➔ বুফে সিস্টেমে সুসাদু রুচিসম্মত বাঙালি খাবার ৩ টাইম।
➔ অভিজ্ঞ মোয়াল্লিম দ্বারা মক্কা-মদিনার দর্শনীয় স্থান সমূহ জিয়ারাত।
➔ মক্কা ও মদিনায় খুবই কাছাকাছি (ওয়াকিং ডিসটেন্সে) উন্নতমানের হোটেলে রাখা হয়।
➔ অগ্রিম বুকিং করলে বিশেষ ছাড় ও সুযোগ সুবিধার ব্যবস্থা আছে।

অফিসঃ ময়দা, জয়নগর, কলকাতা, দক্ষিণ ২৪ পরগণা

